

Nigrepont in Despo

3 Pour la chaleur solaire sus la mer
De Negrepont les poissons demis cuits:
Les habitans les viendront entamer
Qu'ad Rod. & Gennes leur faudra le biscuit.

De la mer de Monech iusques au pres de Secile

4 Depuis Monech iusques au pres de Secile,
Toute la plage demourra desolée:
Il ny aura faulxbourg, cité, ne ville
Que par Barbares pillée soit & vollée.

Chapre des Jachues

5 Qu'en dans poisson, fer, & letre enfermée
Hors sortira qui puys fera la guerre,
Aura par mer sa claïsse bien ramée
Apparoissant pres de Latine terre.

Faim de fer

6 Aupres des portes & dedans deux cités
Seront deux fleaux onques n'aperceu vn tel,
Faim dedans peste, de fer hors gens boutés,
Crier secours au grand Dieu immortel.

Entre plusieurs aux isles deportés

7 Entre plusieurs aux isles deportés
L'un eïtre nay à deux dents à la gorge
Mourront de faim les arbres esbroutés
Pour eux neuf roy nouuel edict leur forge.

c iiij